

四庫全書

史部

欽定四庫全書

史部

水道提綱卷四至七

詳校官監察御史臣王爾烈

刑部郎中臣許兆椿覆勘

總校官知縣臣楊懋珩

校對官編修臣沈清藻

騰錄監生臣王官

欽定四庫全書

水道提綱卷四

原任禮部侍郎齊召南撰

運河

汶水汶以南之泗水沂水

運河北至天津南至黃淮近地諸水泉無不引為便漕之用總以汶水為上源汶上南旺正當水脊如屋極居中左右皆建瓴直達也漕舟自南而北曲折不可數計龐志入閘出閘上水下水以見涯略東省諸

水自入海者由天津以南至黃淮以北悉類次於後
運河以汶水為上源 汶水源出萊蕪縣東北之原山

亦名馬耳山又名岳陽山在萊蕪東北七十里東接章邱北接淄川縣界西南流經縣城

西北又南而西有牟汶水合羸汶水自東來注之

牟汶

出萊蕪東南海眼泉合諸泉水於盤龍庄又西合孝義河水又西羸汶自南來會羸汶出官山即古新甫山也北流又西受司馬河水

水出縣東北大屋山西南流注汶水

又西

至董家集南有方下河合會河諸水自東北來南注

之

會河源出縣東北分水嶺西麓其東即青石關淄河之源其北即顏神鎮長山孝婦河之源也西南

流至士子口有小水自北山來會折而西流為方下
河又西有小水自西北來會折而南流經董家集西

又南注

又西有董家河北自泰山來會

董家河源出泰山東南麓

東南流五十餘里南入汶水即古紫汶

又西遶泰山支麓流經泰安府

南境又西南有泮河水自北來會

即北汶水源出岳西北桃花谷亦曰

漆河泮河源出泰山之北濟南府南山南流繞泰山
西麓折而東南經泰安府城之西又西南屈曲南入

汶水始折南流有小汶河自東南來會

小汶河出新泰縣東北四十里

龍堂山下大小二龍池會諸泉水南流入蒙陰界復
西流入新泰界合平陽河杏山澗西周河廣寧河廣
明河諸水又西流羊流河自北來會又西經泰安縣
界受濁河泉經徂徠山南故梁父城又西南至大汶

口與大汶水會水勢始盛俗稱大汶河折而西流經寧陽縣

北境又西南至汶上縣北之戴村壩有淨泉水自北

山來會

汶水舊自寧陽西流至東平州東六十里之戴村又西經州城南至安山湖合濟水自戴

村築壩遏其入濟遂西南流八十里至南旺

又西南有小水自東來會又

西南經汶上西南境之南旺分流南北南置閘曰柳

林並蜀山湖北曰北閘貫馬踏湖當汶水口之西為

分水龍王廟

中近東半分極三十五度七分汶水本西會濟水東北入海明永樂九年尚

書宋禮用白英策以南旺當水脊于戴村壩遏汶西注建閘分流至今猶享其利

運河自南旺北流為十里閘又北流下開河閘袁家口

閘

西望見梁山即古梁山梁也其西南即鄆城

又北流過張八老口為靳

家口閘安山閘

其東北為東平州境

折而西北流有魏河自西

南來會

魏河源出直隸開州東境東流經清豐縣南境東入山東界經濮州城南東北流經范縣

東南境壽張縣南境又東至東平州西境入運河

又西北為戴家廟閘

其西即壽

張東境

又西北過安平鎮折而北流為荆門閘為阿城

閘

阿城在東東阿縣又在東其東閘自荆門阿城至七級皆穀陽縣東北境

又北為七級

周家店李海務三閘

周家店為聊城縣南境

又北經東昌府城

東稍北為通濟閘又西北為永通閘又北為梁家淺

閘堂邑縣東北境又北為土橋閘博平縣北六十里過清陽驛西折

而西北為戴家閘清平縣西境為板閘磚閘又北貫臨清

州城城左右如斷環西會衛河水如丁字河勢始盛

順流而北遂不復置閘矣衛河西自衛輝大名東北流經冠縣北與西來漳水

會又東北至臨清州入運見前卷右自南旺至臨清凡十九閘臨清中近西六分極三十七度弱又

北流經直隸界河東岸為山東夏津縣西境西北岸為直隸清河縣東境又東北

流經武城縣西南境渡口驛東其北為甲馬營又北流折而

東北經直隸界

南為山東恩縣北境北為直隸故城縣河水經城南

又東北至

德州南折而西經州城之西南又北而東北流

德州西北

與直隸界之劉智廟在河西十餘里又北經直隸景州東境

吳橋縣之西北境也

又北稍東經東光縣城西又北經南皮縣西境之泊

頭鎮南又東北經滄州城西北又東北至興濟鎮西

折而北稍西流滹沱河合老漳河自西南來會

滹沱漳河

見前卷北流經青縣城東又北至馬廠汎折而東北至

唐官屯陳官屯西又北經靜海縣城西又東北流經

大王庄北楊柳青南又東至天津府城北

天津東七分極三十

九度三分

白河與桑乾諸水自西北來會又東南至大沽

入海漕舟至天津即溯白河至通州以達於京師

白河

見前卷

運河自南旺南流為柳林閘

其東隔岸即蜀山湖也諸閘中此為啟閉最要

又

東南流並蜀山湖堤為寺前鋪閘又東南為廣濟閘

嘉祥縣之東北境開東當蜀山湖之尾湖自柳林至此長五十餘里北為汶上南為濟寧又南經

蜀山西麓至濟寧州西南境折而東流為天井閘

在州

城西南
經州城南有府河會諸水自東北繞城來會南

為在城閘又南為趙村閘為石佛閘府河即泗水支流也自兗州府

城東穿城西出俗曰府河西南流六十餘里至濟寧
州東有洸河會寧陽諸水自東北來有厥馬湖水自
西繞城北而東來會經城之東而南入運河洸水出
汶上縣東北曰龍鬪泉東南流至寧陽南滋陽北有
運河會諸泉水又東合一水自東北來會又折西南
流百餘里至濟寧東北與府河合寧陽諸水在縣城
東北者曰蛇眼泉曰張家泉合而南流經城東有井
泉自東南來會在縣城西者曰古泉曰五里泉合而
南與井泉會東南流有一水東自九頂山西南流經
曲阜北境來會又西南至滋陽北境與西北來之洸
水合俗總曰洸河又東南為新店閘為新閘為仲家淺閘為

師家庄閘又南為魯橋泗水東北自曲阜滋陽來會

河勢始盛南為棗林閘自此置閘稍狹

自柳林至棗林置閘如織

泗水源出泗水縣東陪尾山數源並發俱西流合

經泉林寺北

東南有雷澤湖水溢亦西北來會

又西有二小水自南

來會又西有三小水合自南來會又西有二小水自

西南來會

以上小水皆出南山

又西經縣城北折西南流六十

餘里至曲阜縣東北有嶮河自東北來注之

嶮河出泗水縣

西北境之石門山西南流與泗水合

西經孔林北曲阜城西北又西南

至兗州府城東北分為二支其西穿城為府河西南

至濟寧入運者支津也正派經城東而南有雩河自

東來會

雩河即浴沂之沂水源出東南之尼山下北流數十里折而西北六十里有新安泉自北

來注之又西流經曲阜南有橫溝泉水及諸泉皆自東北來會又小水一自驪城西南來會又西南至府

城東南注泗水折西南流六十餘里又南流五十里有白馬

河東北自鄒縣來會

白馬河源出滋陽南境鄒縣北境羣山匯諸泉水最東者曰黃

港泉曰馬山泉其北曰白馬泉南流而合西南流合北來之鰭眼泉又西南合西北來之新泉又西南合東來泉水始稱白馬河經鄒縣西境而南嶧山水自東來會又西南注泗水又西南至棗

林北入運河

運河自棗林閘南行獨山湖中

兩岸皆堤

至魚臺東北境為

南陽閘折而東南流過趙家口南為利建閘又東為

邢庄閘過石家口有界河龍山河自東北滕縣西入

昭陽湖

界河出嶧山東南山中西南流經界河驛又西南入湖龍山河出滕縣東北龍山南流折

而西南經縣北境又西南流至界河口之南入湖即獨山湖其西南曰昭陽湖實一水以運河貫其中堤

岸所隔故為二名耳

又東南經徐家營南

北岸獨山湖至此而盡自棗林迤而東南

計百餘里東西廣處在滕縣西四十餘里

又東南有荆溝河自東北來注

之荆溝河出滕縣東北境有荆水泉合柳泉及壽聖泉水西南流經縣城東而南而西南至徐家營南

入運河又東南為珠梅閘西岸昭陽湖至此而盡自棗林迤而南東百十餘里珠梅

南岸即江又東南有郭河自東北來注之郭河即古南沛縣界

縣東南高山西流有三水自東北來會折西又東為南流經縣南境又西至常家口北入運河

常家口閘又東南為江南沛縣東北界之楊庄閘又

東經沛湖口至夏鎮閘有玉花河自東北來注之玉花

河出嶧縣西北牛山西南流五十餘里分為二派北派西南經戚城北注運河沛湖在夏鎮西南自沛縣西北境迤而東北周圍百數十里其支津南合縣城南之水又東有支渠二南流合而東南通徽山湖

又東入山東嶧縣西界北受玉花河南派水又東折

而南有盤龍河自東北來注之

盤龍河出嶧縣北黃家泉西流數十里折

而南又西南經臨城驛西至彭口西入運河

南至沙溝營西折而東南經

微山湖口北

微山湖南自徐州府北境北至運河長百五十里東西廣五十里沛縣湖支渠

其上源單家集水自東南西流至魏家集北折而西北流為岡頭湖經石山驛西湖水廣濶又北湖心有龜山銅山黃山其西受沛縣水又北有微山皆江南界其北為山東界湖心有呂孟山西北自沙溝東南至韓庄皆湖口也又東南為韓庄閘又東經嶧縣南境為得

勝張庄萬年丁廟頓庄五閘有巨龍河北自縣城來

南注之

巨龍河東北出費縣西南境山中西南流六十里折而西而南經嶧縣城西南會諸小水

又折東南流五十里至頓庄東大泛口西入運河又嶧縣西北有石池泉十里泉滄浪泉皆合此河

東為候遷閘為臺庄閘

嶧縣南境自韓庄東南至此僅七十餘里置閘凡八其密

此如又東南入江南邳州西北界折而南流有引河北

自山東來注之即西泐河也

西泐河源出費縣東南山兩源合而南流百三

十餘里入江南邳州界又南折而西南流五十餘里入運河此道自萬歷間始開以通運由直河口西北至沛縣夏鎮長二百六十餘里避黃河之險者三百餘里又南至徐塘口東有沂

河支津二道俱東自州城之南並西流來會又南至

猶兒窩北有二水自西南合而西流注之

水出河北岸山東北

流六十里有小水出舊邳州西北者自南來會東入運河

又東南經馬庄集西又

東南經窪灣口南

自馬庄集以下南去黃河僅三十餘里至窪灣又不過二十里矣愈

近南愈

又東南經九龍廟南又東為十字河即沂河東

派匯駱馬湖南出之口也

沂河即古沂水源出沂

水縣西北之東鎮沂山

俗曰東泰山

西麓曰大弁山與雕

崖山

亦曰艾山

東南流有永福山水自東北來會又東南

流有寶山水自東北來注之折而南經縣城西又折

而西南流經蘇村集北又折而南又西南流至葛溝
集西南有東汶河自西北來會水勢益盛 東汶河
即沂水西源也亦名桑泉河出蒙陰縣西南巨圍山
西曰五女山東流經縣城南又東折而東南流經蒙
山東麓又東南百五十里與沂水會 既合南流經

太平集西折稍西南至沂州府東北有沭河西自費
縣東流來注之稍南又有涑河支津亦西自費縣東

流來注之

沭河出費縣北山南流經縣城東又東南
流折而東經沂州府北境又東入沂涑河

出費縣南境東流百數十里經沂州府西北分為二
派一東南流至府南境折南流又西南百有餘里經
郟城西境入江南邳州東北界與沂水會一東流經
府城北而東入沂自費縣東南界至此北與祊河地
隔八九里一線經府城東而南又折而東又折而南
相牽百有餘里

經李家庄驛西又西南經郟城縣西之馬頭集西又
西南經西村集張家集西入江南邳州東北界有涑

河支津自北來會

自郟城西北境至此南北百里沂
河與涑河支津地隔僅十餘里

又西南行數十里派分為三其二皆西流稍南經邳

州城南又西入運

北派與南派地隔僅八九里東
西百里二水如重規疊帶然其

一南流數十里滙為駱馬湖

駱馬湖自東北而西南長五十餘里東西廣三

十里其東南隔水即宿遷縣

於湖之南入運河

運河又東經宿遷縣城北折而南經城東

順河集即東岸也又

東南經仰化集西北其東分一派為鹽河東北至沐

陽縣東南境入碩項湖東至海州東南境入海

鹽河見後

運河又南折而東經集之西南及古城驛之北又東

南經桃源縣北境之衆興集南又東南至清河縣城

北漁溝集南又東分一派東北經安東縣北會碩項

湖而東北入海者為鹽河

見後

運河即於清河縣東

南入黃河其西南即清口黃淮交會處也

清口東二度六分極

三十三度七分

運河西北自駱馬湖口東南屈曲至清口之北三百餘里與黃河相隔僅八九里一線

之地南北皆堤宿遷縣城舊清河縣城實北臨潛運南襟大河自運河口而西北至宿遷十字河之西

始南與黃河稍遠又北至邳州西北入山東嶧縣之臺庄始名上閘又西北至南旺柳林皆上水也北至

北閘則又下水出閘西北至臨清而閘始畢乃東北流至天津以緯度直計祇一千七百里因水道紆曲

誤開啟閉故里數加增其遲速不可以邾程定也自汶而北得巨川之助曰衛河曰漳水滹沱自汶而

南曰泗水曰沂水山東一省運河貫其南北東昌泰安兗州曹州沂州四府之山泉數澤支渠小水悉引

漕以利運河水東合河淮東北至雲梯關入於海

運舟自清口踰河淮即淮水出板閘由邗溝南至於江踰江由京口東南至於浙

山東入海諸水

直沽以南惟濟溝長數十里入海在靜海滄州東餘皆廣斥平原無注海川瀆南至山東利津始有大清河唐宋以後河口為東省巨川可通舟楫始有此河有後清河自

章邱東北至樂安入海為古濟水故道通典東平濟南淄川北海

界中有清河乃汶水與荷澤合流是也舊濟水合汶於安民亭南今東平州西南十里安山鎮即古亭也會汶以下東北流經今東阿平陰長清齊河然後會樂水于歷城以東至章邱今自歷城西南溯東平其道又為大道又為大清河所歷

大清河自東平州東六十里之戴村壩西

汶水支津于壩下潛出西

流依故道曰沙河至州城西北與北沙河會亦汶水支津也北流十餘里折西北

流經東平州東南山之南麓又西北經州城之西南

又西北有水東自城北來西注之

水出東平東山會蘆泉徐家泉灰泉

三水西流數十里經州城北又西入大清河

又西北流經東阿縣城西有

水東自山中西流貫城而西注之始折而東北流經

平陰縣城西北又東北百餘里經長清縣北境又東

北經齊河縣城東南有玉符河自東南來注之

玉符河源

出濟南府治歷城縣西南匡山西北流至齊河縣城東南入大清河折而東流經藥山

北麓又東至濟南府城北之濼口北又東趵突泉水

西南自城之西北來會

趵突泉出府西南數泉並發
出地高湧匯成一渠即古濼

水也又東為新閘口有二小水自南來注之又有一水

東南自龍山鎮西西北流來會又東折而北流經濟

陽縣東又東北有綉江河自東南來注之

綉江河源出章邱縣

南長白山東之分水嶺嶺東即小清河源也北流經縣城東又西北流六十餘里入大清河

又東

北經齊東縣城之西及北又東經青城縣北境又折

而北而東經濱州南境蒲臺縣城北又東數十里折

而東北流經利津縣城東南又東北至牡蠣嘴口入

於海

源東二分極三十六度海口東二度三分極三十七度七分

大清河以東入海諸水

小清河源出章邱東南分水嶺東麓北流俗曰獺河折

而西北有一水東自鄒平縣南境西流注之

水出鄒平南之

長山北麓較分水稍盛

又折而東北流

折處與西綉江河隔地僅三四里

經許

山泊及縣北之許山北曰小清河

許山泊在鄒平縣城西許山之西南

麓長二十里

又東北至新城縣西北境有孝婦河南自長

山縣來會

孝婦河兩源一出萊蕪北界之顏神鎮東北流一出青石關北山北流而合東北經

淄川縣城西界合瀧萌般諸水又西北流至長山縣城西南北流環城北又東北至新城西北境入小清

河又東經高苑縣南又東稍北經麻大湖之北

湖方廣周

迴三十餘里

博興縣之南有烏河自東南來會

烏河上流即古時水

也出臨淄西南愚公山東北流經縣西折西北流至新城縣東南境又西北至高苑東境入小清河麻大泊

即在是又折而東南二十里復東北流十餘里至樂水之西

安縣北東流六十里又東北流經清水泊之北

地隔僅六

七又東北入於海曰小清河口即古濟水入海口也

清水泊即高家港即古馬車瀆為淄水北陽河所匯亦即古鉅定湖也 淄水源出淄川縣西南與萊蕪接

界之原山分水嶺東

嶺西即入汶之會河源嶺東則淄水出焉在青石關之西北類

神鎮之南岳
陽山東麓

東流經青石關又東至石門山下折而

北流又東北遶堯山之麓又東流出牛山口又北流

經臨淄縣城東又北折而東而北經樂安縣東南又

東北六十餘里入清水泊

泊北即小清河
相隔地甚近

北洋河即

北陽河源出青州府治益都縣西北牛山東流經府

城北境折而東北流經壽光縣西境又東北至樂安

東南境入清水泊會淄水由泊東北入海

泊自西南
而東北長

五十里南北二三十里
當樂安之東壽光之北

瀟河即古巨洋水源出臨朐縣南之東鎮沂山即東泰

山之北麓

沂山為東省諸山之祖東自穆陵關蜿蜒而西數十里其西麓沐水之源又西為沂

水之源南即沂水縣北境北麓則巨洋水所出也

北流百里至縣城東有龍

泉河自西南來會又北經益都東南境有陸康河自

東南來會又北有季家河自東南來會有七里河西

自府城之南來會又東北有南洋河西自府城之北

來會

南洋河即南陽水出益都西南之石膏山經舊關山東北流經府城北其北隔北洋河僅半里

又南流折而東入瀟河府城之北南洋與北洋相背勢如兩弓相恃

又東北經壽光

縣東南北至縣東穆塚村之西北折而東流有大小

丹河合槐河水南自昌樂縣來會

大丹河即西丹水出臨朐縣東北之

丹山一名丸山東北流經昌樂縣西北小丹河自南來會小丹河即東丹水出昌樂縣南之方山北流經

縣城西而北與大丹河合又東北流經稻田鎮東北有槐河自東南來會槐河出昌樂東南山北流至

五里店東折西北流與大丹河會北入瀟河又東北至黑塚村南又東北

至瀟河口入海後稍移東數十里曰黑洋口入海

舊瀟

河口猶存在小清河
河口東南百餘里

于河有大小大于河出昌樂縣東南境東北流經濰縣

西境至流飯橋折而東有小于河自南來會

小于河出濰縣

西南北流經縣城西與大于河相去甚近入東北流會大于河又東北有白狼支津

自南來會又東貫長泊而北

長泊周二十里

又東北至固堤

集東南又東北入海曰于河口

白狼河源出昌樂縣南之方山南麓

其北即小東流經丹河源也

大孤山北至擂鼓山南折而東北流經濰縣城東又

北折而東而北分為二支北流者北會於河正派東

流有東于河自南來合寒泥河來會

東于河出濰縣南山北流數千

里至縣東又北而東北寒泥河自南來會北入白狼
河寒泥河出濰縣東南境北流有膏潤泉水東南自
車留庄來會北流經寒亭店西又東北經長泊南又
入北流會東于河北入白狼河

東北九十里入海曰白狼河口

濰水俗曰淮河曰東淮河亦曰東汶河源出莒州北境

之箕屋山東北流與西北源水合

西北源尤長出箕屋山西北五十餘

里即沂水縣北沂水山之東南支峯也

東南流百六十餘里至諸城縣

西山麓有水自南來注之又東有福山水東會長山
水自南來注之折而東北流經縣城北而東北又折

西北流至相州集南又折而東北而西北至景從鎮

東有大浯河自西南來注之

大浯河出寶泉村東南東流至鎮南折而東北

有小水自西來會東入澗

又北有小浯河自西南來注之

小浯河出安邱

縣南境楊埠之東東北流入澗

又北經安邱縣東境有東汶河自西

來會

東汶河源出沂山東北谷東流近穆陵關折東北流數十里折東流百五十餘里至安邱縣西

南境有小水二自南來注之折東北流經縣城西北又東流數十里與澗水會實別源也

又西北

流折而北經澗縣東境又北至昌邑縣城東南又東

北至下營西又東北入海曰淮河口

北膠河口在淮河口東北而百脉湖其伏地上源也

在高

密東北膠州西北自分水嶺分為二膠河其南會大小沽河

至膠州麻灣口入海

南膠河見後

高密東南之膠水又百

派湖上源也膠水源出膠州西南境之鐵樞山亦曰

膠山北源屈曲百餘里經高密縣東境東北入湖有

五龍河自西來會

五龍河源出高密南山西北流經諸城縣東境又北流數十里一小

水自西南來會折東北流經高密西境又北折而東經縣北又東入湖湖自五龍河口

由北而東南周圍六十餘里形如瓜瓠淵渟不流其

北連山即分水嶺也嶺北有水北流為北膠河北
膠河自嶺北流即折而西北有藥石河東北自平度
州之北大澤山南流經州城東折西南流至嶺下會
膠河也膠河西北流循山麓經州西境又西北至昌
樂縣東境新河橋之西折北流經海倉西又北入海

曰膠河口

其東即海倉口

北膠河以東萊登入海諸小水

南陽河即古掖水源出萊州府治掖縣東南山西北流

數十里有一水自東南來經府城南而西與會經城

西而北至海神廟東北入海曰海廟口

口西海中有芙蓉島口東

北岸數十里臨海為三山島

朱橋河在掖縣東北於三山口之

東西北流入海

界河即古原疇河源出招遠縣東

南界分水嶺兩源合而北流經縣東北折西北流至

黃山館西北入海曰界河口

口正北為懸居之岬嶼島

黃水河

源出黃縣東南之艾山北流

山南之水即萊陽縣西大河之源

折而

西北經盧山萊山之東麓又西北經縣東北入海

海口之西即桑島其東北海中即大小黑島

登州河密黑二水之合也

密水出府治蓬萊縣南密神山黑水出縣西南黑石

山經府城南合流北入海 安香河在登府城東南

東北流入海曰灣子口

口北即沙門島東北為大小竹島口西北即府北蓬萊閣

所望海中巖嶼碗嶼諸島也

流子河在福山縣西北東流經縣

城北東入海有清洋河南自城東北流來會又有大

沽河自東南來會共一海口其東北即之杲島也

子流

河在福山縣北僅二十餘里清洋河即義清河源西南出棲霞縣東南之翠屏山西北流經縣城南而西

而北而東北流百餘里經福山縣城東南又北入海
大沽河出南境山南東西三源合而北百里至海口
入海其源
曰巨齒山
辛安河出寧海州西南山北流入海曰

龍門港口

口北隔海若栲栳崆峒諸小島散布如列星

金水河在寧海

州東境北入海曰金山寨口 又東曰郝慶口曰威

海衛東南之長峯口朝陽口其東為成山懸居海中
折而南又折而西而南海港無數又西南為靖海衛
西之長會口即文登縣東南境高村河南流入海之
口也 郭家河出文登縣東北山西南流經縣城南

而西會縣北一小水又西南會西北一水東南流有
母猪河西北自崑俞山來會又南至五里島口入海
南薰河南至浪煖口入海 大河出寧海州西南

山

山北麓水即州西之辛安河也北入海與此河僅隔一山與膠河同形勢

南流有水自

東北來會又南百二十里至乳山口入於海

口南曰大小竹

島

萊陽五龍河合五水一曰西大河出棲霞縣西

北之艾山南麓

其北水即黃水河北至黃縣入海與此河僅隔一岡亦分水嶺也

南

流折西南又東南經縣城西而南至迎駕山東南有

九里河自西來會又東南有縣河自北來陶章河自

東北來會折而南有昌水河自東來會俗曰五龍河

九里河出萊陽西南境東流注西大河縣河出萊陽
北之方山南流經縣城東又南與陶章河合陶章河

東北自棲霞縣東南山西南流經萊陽東境有昌水
來會昌水河自萊陽東南境昌山西流與四河合為五

龍河古穉養
澤在縣東

又南流至羊圈南入海

即墨南大河

出縣東北青山西南流經靈山馬山之南至城北而

西南有東來二水合經城南西流注之又西南入海

曰女姑口 大沽河出黃縣東南之廬山亦曰蹲犬

山二源並導合南流經宋家山西而南西合分水嶺

南之水

其北水即招遠縣西北入海之界河也

又南流經萊陽西境有

小水自東來會又西南至劉家庄西有小沽河自西

北來會又南流至膠州東北之店口西會南膠河經

州東又南至麻灣口入海

小姑河即古尤水

南膠河自分水嶺南東流承白沙河水白沙河源北出

平度州東北之固山南南流經州東境

西與藥石河南流入北膠

河者相去地不過十餘里而各有所歸

西南流經麻藥集西又西南會

南膠河折東南流經膠州北境東至店口大沽河合

小沽河自東北來會又南至州東麻灣口入於海

海口

東南即會海口又東南即即墨西南之女姑口也此外南至浮山所西與靈山衛為大海口東南島嶼無數

膠河由一嶺間隔南北流入海元人嘗欲鑿嶺

通運功訖不就

南膠河以西南入海諸小水

膠州城南河東入海

曰大小河口在麻灣口西南

洋河出州西南

境山東流入海

曰洋河口其南即靈山衛

琅琊臺西之窰頭口

董家口又西南曰潮河口在贛榆縣東北境菝水鎮之南 贛榆河出縣西北山東南流數十里分為二派北派東流經城北南派東南流經城南各入海北曰興庄口南曰青口 小河出縣西南山東流經縣南境又東至小河口入海 海州河自西南境分為二派北派經新壩鎮北又分二支一支正北經州城西折而東北流入海曰臨洪口一支東北至州東南孔望山麓入海曰恬風口

東北即鬱州
鳳城

南派東流折而

東北入海曰新壩口 板浦河在州東南境北入海

曰板浦口

口東南即沐水下流之出河港也

傅瞳河西北出莒州

東北之高柘山東南流折而南又東流經日照縣南境又東有固河東北自城東南合一水來會東入海曰夾倉口 竹子河在日照南境山東流合一小水東入海在安東衛東北曰濤灘口

西南為安東衛西之蒺水口入江南

界

沐河即古沐水亦曰衎水源出沂水縣西北之沂山

在大

峴山之東曰大弁山百尺崖沂山即古東泰山也其北為瀕河源其東南為濰水二源其西南為沂水源

東南流繞寶山北又東折而南凡二百數十里經莒

州城東又南折而西南流有小水自東來注之

水出古墩

山西西流經朱陳村北又西稍南入沭

又折而南經大興鎮西入江南

贛榆縣西北界又西南經郟城縣東北境馬陵山東

又西南經縣東南南至紅花埠東南入江南界經邳

州東境沭陽縣西北境至司吾驛南折而東流至縣

西分為二派北派東經城北又分為二支一支東北

注青伊湖一支東注碩項湖其南派東經城南又東南入碩項湖清伊湖自沭陽縣東北受沭水支津滙為湖周圍四五十里南有二渠南注碩項湖又西北受沭水二支津西受鹽河北派水東南六十里襟安東縣北境廣大倍青伊湖其北流一支渠東行又受鹽河支渠北流至大伊鎮東折東經山南麓又東受鹽河支渠北滙為出河港入於海碩項湖東南會南來之鹽河於新安鎮西又北分為二派北派見前東北

派流六十餘里又分二支一支北流見前一支東
流入海俗曰淮河口 鹽河有北有南北鹽河受運
河水於宿遷東南之仰化集西東流經集北又東分
為二支一支東北流折而北而東一支東南流經王
家集南折而北流經里仁集東又北復合折而東流
入碩項湖經安東縣北境南鹽河受運河水於清河
縣東曰大壩東北流經王家營北又東北經安東縣
城西北又東北至新安鎮西與碩項湖水會東北分

二口入海即出河港淮河口也

水道提綱卷四

欽定四庫全書

水道提綱卷五

原任禮部侍郎齊召南撰

黃河

黃河源出星宿海西巴顏喀喇山之東麓二泉流數里
合而東南名阿爾坦河南流折而東有小水自西南

來會

當河源南岸有古爾班蒙衮拖羅海山稍崇峻北岸有噶達蘇

七老峯高四丈亭亭獨立石紫赤色俗傳
為落星石西南有阿拉爾巴顏喀喇嶺

又東折而

北而東而東南流有烏哈峯泉水自西南來會又東有拉穆拖羅海山水自南有錫拉薩山水自北俱來會又東有七根池水自北來會又東流數十里折東北流百里至鄂端塔拉即古星宿海元史所謂鄂端諾爾也自河源至此已三百里

巴顏喀喇山即古崑崙山其巖西自金沙

江源犁石山蜿蜒東來結為此山以地勢極高為南北諸山之祖源處西二十度極三十五度也山石黑色蒙古謂富貴為巴顏黑為喀喇即唐劉元鼎所謂紫山者又名庫爾坤即崑崙轉音也阿爾坦河雖元人尋源但知起星宿海未知其西尚有本源蒙古謂金為阿爾坦言水色微黃而溜甚急真河源也自此

東北至河州界積石關計二千七百餘里直路邊外一千四百五十五里星宿海於羣山

圍繞中平地有泉千百泓並湧望若列星阿爾坦河

自西南來皆匯

自巴顏喀喇山東北連亘為布呼吉魯青山阿克塔齊欽山烏蘭德齊山

瑪尼圖山巴爾布哈山東南盤折為都爾伯津山哈

喇阿達爾罕山巴顏和碩山衆山環繞中間地可三

百餘里泉源大小無數蒙古謂星為鄂敦水灘為他

拉也阿克塔齊欽及巴爾布哈二山高大大異常一則

兩峯如馬耳正當其北一則兩崖壁立當其東北蒙

古稱為庫爾坤與源西之巴顏喀喇同名以三山皆

崑崙也海在西寧邊外阿爾坦河東北會諸泉水北

西南一千一百十四里

有巴爾哈布山西南流出一水南有哈喇荅爾罕

山北流出之水來會為一道土人名此三河曰東南

流注於查靈海澤周三百餘里東西長南北狹河巨

以其水色白也自海東南流出五十里有一水合三河自南

來會一曰色納楚河一曰多河源俱出察克喇峩山北

又東北流其東南有庫克察池所出之水西北流百

甚高大其東南為雜普通古查哈又東南折而東北

與東南來之喀喇河並東北為鄂靈海喀拉河出東南大山北流

折而西北又北流折西北而北合入鄂靈海行三百餘里鄂靈海在查靈海東五十餘里周三百餘里

形如匏瓜西南廣而東北狹蒙古以青為鄂言水由色青也即元史所謂滙二巨澤名阿拉腦兒者

海東北流出轉東北流五十餘里

方流出海時有一水南自一巨池中

北流來會

又折東南流百餘里會諸泉小水

南有三池曰教博圖噶善

曰多母達噶善曰查哈噶善俱東北流入河東北一小水自東來南入河東有教羅海池水西流入河

至巴顏琿瑯嶺下東西有水來會復正南流百五

十里水色始變綠而黃

西來水曰呼藍河源出盛吞池西流環折而北而東北有

庫德勒古河自東南盤旋來會又北受一小水又東百餘里東南流入河東北一水曰博奇圖河出阿喇

克蘇喇山三源南流而合西南流入河東北一水曰哈瑪古爾台河合數小水西南流入河西有泉水小

大五十餘泓曰額德凌特德凌鄂摩俱向白土河東
匯入河又西一小水曰額魯克河東南流入河又東
北一水曰哈爾吉河合一小水西南流入河又西一
小水曰薩克河東流折而東南入河自額德凌及薩
克河以西至鄂端塔拉以東四五百里中地皆灘磧藪
澤水泉分合鉅細不常黃河猶綠色即以衆流奔湊
新變而黃亦未全濁也厄得靈諸
泉眼並湧亦若星宿海然但小耳

又東南流屈曲七
百餘里東遶阿木尼瑪禪穆遜大雪山之南受小

水數十

北來一水曰多爾吞河西南來一水曰呼呀
烏蘇河北來一水曰燈河西南一水曰巴爾

和河北來一水曰巴罕薩喇河南來三水曰哈喇河
曰拜多河曰巴里馬河西來一水曰衣克薩勤河
西南三水曰他哈拉馬克河曰烏捏河曰布喀河西
北來二水無名西南來三水曰西拉河曰衣克巴爾

和河曰巴哈巴爾和河黃河至此東北流繞大雪
小支阜曰噶海山曰噶拉吉山之麓受北來二小水大

雪山即古積石山元史所謂伊爾瑪布莫刺譯言

騰格哩哈達而誤指為崑崙者黃河依山南麓東流
折而東北有三崑都崙河前後自東南來注之水勢
益盛至烏蘭莽崙山下始折而西北流古言河遶崑
崙之三面如玦然實禹貢道河之積石山非崑崙也

積石今大雪山自巴顏喀喇山東來當黃河北岸綿
亘三百餘里上有九峯甚高中峯獨出冬夏積雪百
里外即望見之為西海以南諸山之冠番語以祖為
阿木你以險惡為麻禪以水為母孫猶言大永山也

在西寧邊外西南五百三十餘里在甘州之南二千
里星宿海之東千餘里經度西十五至十六度緯極
出地三十四度三分大河一折千里至此始著 三
崑都崙河一曰德忒昆多崙出賴杆山西北流三百
餘里入黃河即元史納琳哈喇河自白狗嶺北流者
一曰多母達土崑多崙源出納克多穆精山西北流
屈曲三百數十里入黃河當河流自南轉東北處即
元史乞里馬出河自威茂州西北岷山之北北流者
一曰多洛崑都崙源出岡出山西北流二百餘里折
西流又三百數十里折而北流百里會東來池泉水
西北入黃河正當大河于烏蘭莽驪山麓折而西北
流之處即元史鵬授河自鵬授山西北流七百里過
扎塞塔實地與河合者右三水溜急而深相距各百
里土人總名為古爾班崑都崙河多達木圖及多洛
二源所出之納克多穆精山岡出山東南百餘里
即四川松潘衛界其山東南麓水二道俱入岷江自

烏蘭莽鷲山之北西流前後小水奔注不可勝數經

納林通布諸山四百餘里稍西北流遶大雪山之東

北又百餘里有齊普河自西南合諸水來注之

自多洛河

會而大河折向西流又西北流北岸所受小水有十
其大者曰巴罕哈留圖河二源西南流百里合又八
十里西入河曰伊克哈留圖河出巴罕圖魯根山東
流百餘里折而南又折而西百餘里合二小水西南
屈曲流百數十里西入河形如篆文月字 南岸所
受小水有十八皆大雪山支阜澗壑長者百餘里短
者數十里惟古爾板烏蘭溫多羅山之東北噶海山
之西北一河會三水東北流又會南來三水而北入
河為最大 齊普河源出滂馬山諸山四水合西北
流六十餘里名圖聲圖河其西南有哈爾濟嶺水東

流合南北七小水而東北行曰得爾多河又東北百餘里會圖聲圖河北流繞阿穆爾瑪禪木遜山東又合四小水始名齊普河東北流七十餘里入黃河此水受十餘水最為深濶又北有呼

烏蘇河自西南合諸水來注之

呼呼烏蘇河源出索諾木達西嶺北流繞

阿穆爾瑪禪木遜山之西麓折而東北凡一百五十里有密喇河自西南來會繞雪山北又東有西拉哈卜齊海河自西北來合阿爾昂水南流而會東入黃河亦名察普楚河也又折而東北

流百三十里有路克圖河自東南來注之

路克圖河源出衣克

圖爾根山東北流折而北會巴罕圖爾根山之水折西北流百餘里有伊西克山之水自東北來會又西北入黃河又正北流百餘里有滾俄羅濟河會奎屯西里

克諸泉水自西北來會

滾俄羅濟河源出青海西南百餘里之即里山東南流七

十里有奎屯西里克地所出諸泉滙成一河自西北東流來會又東南流百餘里入黃河魁屯西里克諸

泉十數泓地數

又東北流有碩爾渾河自東南來注

十里亦若星宿

之亦曰蘇勒古尼河源出古爾扳班圖哈山西流合

南來一小水又折西北流合西南來一小水又西
北流入 又東北六十里東流有小水合二澗自南來

黃河 注之又東有烏藍河合諸水自東南來注之 烏藍河源出塔

蘇拉海山西流百里其南有大成嶺兩旁二水西北流而合又西北八十餘里來會又西流經教隆鄂拖

羅海山北又西北流 又東北經古城址北 在南岸南長五十里

共二百餘里入黃河

自此為河州西境保安堡邊
內地河北岸即青海地也
入河州歸德堡邊界四

十里有枯塞河自南來注之又東五十里有和琢

蘭河自南來注之又東北有烏蘭布拉克河西北自

青海南境來注之
烏蘭布拉克河源在青海東南百
里有泉百餘泓速望亦如星宿海

會為一河東南流三十餘里有二小水
自北合而來會又東南七十里入黃河
又東北有葉

喬確霞河自南來注之
水出保安堡東南境西
北流百五十里入黃河
又東

北百里至蘇魯古山南折而東南流八十里有古楚

河自南來注之
古楚河出古爾班拖羅海山南麓東
南流折而北又折西北而東北流入

黃河又東南流五十餘里折東北流百餘里又東南流

有小水西南來注之又折而東北經積石山南阿木
尼達拉嘉山積石關之北北岸入西寧東南邊外界

南岸入河州內西北界此唐宋以來所名之積石也

亦曰小積石西十四度極三十六度計西南去大積石五百餘里自入歸德堡

邊始名黃河自鄂靈海流至歸德堡蒙古名喀屯河小積石即古唐述

山自巴顏喀喇山發源至歸德堡邊凡三大折流二千三百餘里自歸德堡東流又四百餘里經積石

關入河州界黃河東北經積石山南長寧驛北又東北六

十餘里有小水自西北山來注之又東北五十餘里至蘭州西境有大夏河會三水西南自河州城來會

大夏河即古灘水又名白石河源出西南邊外達城達巴罕山之南東流二百五十里南合小水一又東五十餘里南合小水一又東北有二水自西北合流來注之又北流有五善威河自東南來會折西北流四十里有小水自西來會又北流六十里北受一小水折而東北流入邊界大夏堡北又東稍北五十里有一水西南自邊外來北注之又東北至河州城南有洪水河西自邊外東流入經城南東注之又折東北流有廣通河自東南來注又東流二十餘里有洮之又東北百二十里入黃河

河南自臨洮府來會曰洮口

洮河見後

稍東有湟水合

大通河西北自西寧府來會

湟水即西寧河見後

又東有莊浪

河北自苦水堡來注之

城北出鎮羌營西北東流備遠城下南流經空口武勝二

堡東稍折經莊浪營南大通堡洪城驛野狐堡西又南經苦水堡西又東南入黃河行三百餘里又

東百餘里至州西北有阿干河自南來注之折東

北流經州城之北長城之南又稍東循長城下東

北流百里經金縣北境有水自南來注之即浩尾

河也

浩尾河亦名閃門河有兩源一出縣東南龕山北流合一水一出西南新營諸山東北流經縣

城西又東北三十里與東源水會又東北三十里入黃河

又北流循長城而北至

靖遠衛南之虎豹口西北有十字河自東合會寧

安定二縣水及消河西北流注之

十字河出消河
徑西山西流有

斗稼河及一水自東北來會西流百餘里至會寧縣
西北境之乾溝驛西有會寧南玉河自東南大山西
流合響水及諸水經縣城西而北又合諸水西北流
來會又西北流百餘里有安定東西兩河夾縣城而
北合北流二百六十餘里來會其北有消河源出海
都原東北大山西南流百里北合韓家莊水又西南
四十里南合枯木山水又西南六十里經郭城驛北
又西南五十里來會又西北八十餘里于靖遠衛南
西入黃河在烏蘭關又自長城下經衛城西而北二
北即古祖厲水也

百餘里至永安堡之西北閭門折而東北流出循

長城外其西有大山相接

長城內為蘆溝堡地

東北二百里有

長流水自西北來注之黃河折而北而東數里復東

南流入長城

其南為苦水堡其北為減井口

又折而東北流經中衛

城南

河自蘭州北循長城而東北經城內外地至此計七百里

又東稍北二百餘

里至鳴沙堡西折而北流有清水河南自固原州北

流合諸水來注之

清水源出固原州南山張義堡之東北流合兩澗經開城南又

東北至州城東南有一水自南來會經城東而北又有一水自東南來會西北流有州西海子河北合西來之碛河須減都河及小大黑河四水自西南來會又北經開城東又北合東來一水又西北合海喇都

水又東北合東來二水俗曰甜水河又折西北流數
百里有惠安堡河合三水自東來會又西北至鳴沙
堡入黃河此水即葫蘆河又北六十里經廣武營東
下流南北行六百餘里

折東北流七十餘里出山

自鳴沙堡以北河東岸連山相接而不斷西岸亦有

山至大壩堡南始出峽

又東北六十里經靈州所北

有洛浦河自南流注

之又東北至寧夏府東南境之橫城堡西當長城斷

處

其東南即清水營及興武營花馬池邊內地其西北即寧夏府境西北至賀蘭山其東北即河套鄂

爾多斯諸部地與寧夏以河東岸為界

有托蘇圖河入邊復出西北流

注之又東北三十餘里分為二派俱東北流百餘里

復合西當長城斷處

長城西北自賀蘭山鎮北口至河西岸長六十餘里此寧夏之

北境也賀蘭之西即大沙磧西十度極三十九度

又東北出邊

波羅營東北自中衛至此

河流又七為河套鄂爾多斯兩翼六旗地

自橫城堡以北經右

翼中旗西境其西北連山相接不斷外即沙磧俗曰阿蘭善山

黃河東北流有大小

托蘇圖河合注博木池自東南來注之又北經阿布

山色爾網喀喇山西麓至白塔之東東北稍曲折北

流歧為二派一東北流經後旗西北境一北流注騰

格里鄂模即古窳渾之屠申澤也

騰格哩池東西甚長其西北有水名

哈爾哈納河南流入焉池自西南迤而東北周百餘里西十度弱極四十一度又從池東北

出會北來之阿勒坦河又東北為庫庫鄂模始折而

東流其東流之正派亦自南來會

河自寧夏東北至此始折共六百餘

里其北即陽山西即高闕又北則大漠也東折處正當阿爾坦山之南

正派東北流六

十里又分二支一南支東流一北支北流八十里又

分為二一北與庫庫池東北流會一東南流南北地

百餘里間三渠並東流二百六十里經後旗北境即

古朔方河南地也最北一派中分復合東至噶札爾

賀邵山之南大漢得兒山之西南始折東南流又分

而合復分而東南共百三十里至烏喇忒旗西之墨

爾楚克賀邵山北始折而西南流北派自西來會又

西南至濟爾哈濟圖南南派亦自西來會三派復合

自古稱南河北河二派今則三支分合如織河北岸山最高大曰筧金翔龍山曰巴爾喀山曰噶扎爾和

碩山俗言陰山也曰洪戈爾山東南流五十里折而

東流經左翼後旗北烏喇特旗南

古五原郡及三受降城地今惟北岸

有巴爾珠罕城址在二几圖嶺之東陰山相接不斷自此蜿蜒而東至歸化城直行五百里

南北受小水無數

河東南南流經左翼後旗西北境有車根本河烏爾巴齊河大小圖爾

根河陶允崑允河布爾噶蘇台河哈賴河西都喇呼河皆自南來注之其北岸大者曰崑都崙河即喀喇

穆倫也源出毛明安界內南經諸山會額古德水及齊齊爾哈納水與東北吉蘭拖羅海山水合南入黃

河餘皆小水入南岸有呼蘇台河東北流入河至大圖爾根河入河之處轉

東南流

東岸為歸化城西南境其西岸為左翼後旗古勝州地

大圖爾根即黑

河自東北合諸水來注之

黑河即古白渠荒干水亦曰金河源出鼓虎口外鑿

藍察哈爾東北七十里海拉蘇台坡名喀喇烏蘇西北流有納扎海河諳達河珠喇瑪台河皆自東北山來會又西流受北來之德布色赫河水又西南流合東來之哲爾德河始名伊克圖爾根河折正西流至

歸化城南有巴峇圖爾根河即小黑河也自東北山
西南流經城西南會扎達海河來會又西流有西喇
烏蘇河呼圖克圖河二水源自殺虎口北山西北流
合而來會又西流有哈爾几河赫勒庫河多羅圖河
察蘇七河諸水俱自北來注之又西南至黃河自西
來折向南流之處滙為黛山湖又西入黃河歸化城
即古盛樂地在殺虎口北二百里黃河東岸二百六
十里黛山湖即古沙陵湖黑河水即金河其北為白

道過古東勝州境稍折而東而南至湖灘河朔渡口

即古君子津

在歸化城西南一百五十里又
帽帶渡在城西一百九十里

有烏藍

木倫河東南自邊內北流西折而西南流注之

烏蘭
穆倫

上源曰圖茂河源出平魯縣西南北流至殺虎口西
出邊折而西流有察罕音圖河弩衡格爾河呼呼烏

蘇河俱自察罕爾西南流來會循邊城而西舊名神水河在歸化城南一百八十里南受一水又西流至烏蘭巴勒噶遜城西入黃

遂南流百里入山西平魯

縣邊界

自此而南其東岸為山西州縣其西岸為鄂爾多斯左翼前旗界又南餘里西岸入陝

西界此為出套河套地西自寧夏北托蘇圖河入大河處東至大河帽帶渡口共八百里南自榆林邊察喀喇山北至穆敦鄂博共七百三十里為鄂爾多斯左右翼六旗地地多池澤有烏蘭池為西喇穆倫河北流所會在黃河分支折向東處之南百餘里古朔方郡地有喀喇莽孺池廣三十里為烏蘭托賚二水所滙有質爾哈遜池有爾瑪岱池有哲格蘇台池當大河折向東南之處有呼蘇台池套中產鹽池以喀喇莽凡為大即古郡南企連鹽澤及青鹽澤唐時名胡洛鹽池者蒙古以鹽為達布蘇黃河折向南處

西五度半極
四十度五分
當東岸邊城起處入經老牛灣西又西

南經偏頭所西有關河自東北來注之

河出五眼井
堡西南流南

合二小水經所
南又西注黃河

又南折而西五十里

北為河套其南
東為山西界其

西為陝西界西五度
半極三十九度五分

循東岸古邊城下折而南流經

西岸陝西邊城起處府谷縣東北界之娘娘侯家口

自此山西陝西
以河為界稍南東岸河曲縣北境有白應泉水自

東來經河會營南而西注之又南西岸有清水河自

西北邊外來經黃甫營而東南注之又南經東岸河

曲縣城西

古邊城自關河口南二十里起折而西至樓子營河堡營折而南至縣北十里而止

大河正西經其下

有六澗河自東來注之

河有六水最遠者出寧武所西之黑

庄屯西流百里有八角堡水自北來林溪山水自東南來會又西流六十餘里有小水自南來永興堡水自東北來又西二十里有水北自星古驛來俱會又西南流經河曲縣城南又西入黃河

西岸即

五虎山也東岸稍西南經平橋西又西南有尖山水

自東來注之西岸經府谷縣城東南有府谷河西北

自邊外東南流合數小水經城西而東南注之

水出河套

左前旗南東南流入二十三墩口折而東流經鎮羗堡南又東有一河北自邊外南流入西川口東南注

之又東經孤山堡南又東七十里有木瓜園東岸即水自北來會又東經城西又東南入黃河

保德州城也

經城西北

又西南有水自東來注之

水出州東北強

梁山西南流有葫蘆山水自東南來會西流經叢林溝寨南又會龍潭水于北山又西南八十餘里經州

南花園堡北入黃河

又西南有號風溝自東注之又南至裴家

川口有嵐漪河東北自岢嵐州來西南注之

漪河源出

州東南鹿經嶺之東山北流有黃道川水自東南來會又西北流有走馬嶺水自南來會又西北有三角城水自東來會又北有馬跑泉水自東來會西流經州城南又西有沙河自東北來合東來之岢嵐山水經州城北而西來會又西北流有西豹谷水自東北來會又西經青石山北曰嵐漪水又西南流百五十

里入黃河西岸即神木縣東南界宅門塢山也東岸即興

縣西之黑谷口又南蔚汾水東北自興縣合諸水來

注之

蔚汾水出嵐縣西北之黃尖山西南流會東南來一水之經界河鎮北者西流五十餘里折西

南流有黃羊山水自東南經蛇頭鎮南來會又西流經興縣城南又西南流有石樓山水自東北來會又西南有南川河自東南來會又西南入黃河其西岸葭州北境也

迤西南為紅石灘

當中流西岸有秃尾河西北自神木邊外來合屈野

河東南流注之

屈野河源出河套鄂爾多斯左翼中旗曰臺石坡東南流與東來之哈楚

爾河布塔河會南流二百餘里入邊城大川口有小水東北來會折南流經神木縣城西又南折東南流

五十里又南流百里有禿尾河西北自鎮川臺口流入邊城經柏林堡北又東南流百三十里東流來會又東南有一水自西來會又南入黃河乃折而南有大會川自西來注

之

水西出黑龍潭

又南經葭州城東南有沙河自州西北來

至城南東注之

水出邊內雙山堡東南流南北各會一水又東南百餘里抱城南東注黃

河又南東岸臨縣西境有紫金山水自東北來注之

水出山麓西南流經兒坂南又西南入黃河

又東南有小水自東北來注

之至叢羅谷西有小水自東北來注之至孟門鎮西

北有河東北自臨縣城合諸水西南流注之當永寧

州西北境西岸吳堡縣北境也

臨縣水東出連枝山三源西北流而合又

西北經黃龍山北有赤紅山二水自東北合來會又西流有合查山水自東北經白文鎮西南流來會又

有窄頭河自西北山來並會折西南流有太平河自西北萬安河自西來並會折南流經縣城東折西南

流有二水自東來經黃龍山南合而西流來會又南流西南流有喜港河清堂河自西北來前後並會又

西南流有鍾底河東自濡水頭西北流合一水至三交鎮南來會又西南經沙源鎮南又西南至孟門鎮

北西入 又南稍東經吳堡縣城東 東岸為後河底 又南經楊

家村東綏德州東南境 東岸為柳林鎮 東岸永寧州白泉河

自東北來合寧鄉縣諸水西注之當上平關北 白泉河即

北川河即古離石水源出州北赤堅嶺一名離石山
西南流經赤堅堡西方山鎮東又西南至河庄北有
龍山泉水自東北來會又西南經石板山北大武鎮
南有馬跑泉水東自鳳凰山來會又西南至州西北
有東川河自東南來會東川河東出穀積山之石窰
村南流有鐵樞山水自東來會西南流至吳城西有
一水自三交鎮東南來至吳城南來會折西北流又
西經州城北而西會北川河既合南流有清水河南
自寧鄉縣合焦山車泉諸水北流折而西北來會又
西至青龍驛西有青龍泉水自北來會又西至上平
關北西折西南流經河西驛華神堡西又西南榆林
入黃河水自西北入邊南合米脂綏德奢延諸水東南流注
之榆林無定河有二源西源曰額圖渾河古奢延水
也出河套右翼前旗賀通圖山東南流有一水自

西來一水西南自蘇海阿魯山來俱會東入懷遠堡
邊城為濶呼都河又折東北至波羅營與北來海留
圖河會海留圖即東源古黑水也亦名齊納河出前
旗呼喇呼之地東南流與西北來之納林河出托里
泉及西喇烏蘇河出磨呼喇呼平地者會東南入榆
林邊于波羅營北而西源來會又受北來之塔喇布
拉克水東流曰清河口又東南經榆林南境有榆溪
西河北自衛城西東南流來會榆溪西河源曰清活
河潛出右翼前旗南平地南流曰西伯爾河合克綢
及阿爾塞二水東南入雄石峽口邊城經衛城西南
曰三笠河又東南至歸德堡西有一水自東北來會
又東南入無定河無定河又東南經漁河鎮川二堡
南入東南經米脂縣城西南又東南圍水自東北來
會折而南流至綏德州東北有大理河西北自山中
合數水東南流經州城北而東注之又南經州東南
有懷寧河西自田庄堡東流南合九里山水東注之

又東南奢延川自北來會
又東南經山麓入黃河
即青澗縣東北境也東岸

石樓縣有屈產水西北流注之

屈產水即土軍川源出縣東南石樓山西

北流經城東北又西北一小水自東北來會又西北經永寧關北又西有土門鎮水自東北團圍山來會

又西北折而西流入黃河

又南流經西岸青澗縣東南境老鴉關

東折稍西南經延川縣東境延水關東又正南流為老牛灘當河中又南有青澗河合吐延川自西北來

注之東岸即永和縣西境之烈鳳山烏龍山也

青澗河出

安定縣西北山東南流百里有馬兒河自西南來會又東南流經縣城北而東有一水自北來注之又東

百里有水自東北來注之折而南經青澗縣城西南
又東南流九十餘里有青川西北自安定東南流來
會經延川縣城東北又東南有站川西
自縣西山來東注之又東南流入黃河又南經延長

縣東北境清水關東河中有洲曰澗灘其東岸有永

和仙芝河自東北來注之

仙芝河亦曰榆林河源北出石樓縣南之翠金山西

南流經坑地堡西有一水自北來會折南流經馬脊
山東又南至永和縣城北有索坨川自東北來會南
經城西北又西南北會烈鳳山又南西岸有一水自
水曰仙芝河又西南入黃河

西北來注之

延長縣東稍南其水西北出獨戰山者

又南有延水西北

自延安府合諸水來東南注之

延水北出保安縣北境山南流東南百餘

里有洧水自西來會又東南經蕭館驛南又西會一
小水東南流百里經安寨縣城西南有一水西自摩
雲嶺來會又東南經延安府城北又東流有清化水
北自鵝鶻山來南注之又東名濯筋河有小水自北
來會又東南經延長縣西南又東南至山麓
有小水西自雲巖山來會又東南入黃河 又南為

東岸大寧縣西之馬鬪關南有昕川自東合隰州蒲

縣諸水來西注之

昕川三源北源曰隰州北之羅兒
溝出結北山南流東合一水南經

水頭鎮東又南有蓬門河及小水俱自西來會折東
南流有燕家河及小水俱自東北來會南流經州城
西曰柴川河又西南至什城北有東源水來會東源
曰義泉河出姑射山東南之羅雲山西北流有聖水
山泉自東北來會折西南流至義泉鎮東南有安真
村水自東北來注之又西南流有蒲州河東南自蒲

子山來注之又西與北源水會于什城北又西南經大寧縣城南南源自東南來會南源水曰第一河源出蒲縣東北之七佛山西南流九十里經縣城南有南川河自南來會折西北流至張村堡北有縣底河南自翠屏山來會又西北經翠微山麓有義亭河自西南來會又北至大寧縣南西會北東二源水曰昕川自城南又西流稍南八十里又南西岸山麓有小水餘里至馬關關之南入黃河

自西北來注之

水出延長縣南境紫雲山南麓者

又南為宜川縣東

境東岸吉州西境之孟門山

山在宜川東北臨河其東岸即吉州之西北山

不南為壺口山河中有灘

山在吉州西北其西岸山斷即宜川孟門南壽峯也

又南經西岸老吉堡東又南有汾川水自西北來合

銀川丹陽諸水東注之

汾川水北出宜川縣西北進
士山及北山南流合而東南

經縣東南銀川水自縣西南山東北流合一水東經
縣城南而東來會又東南流有孟門西山水自北來
會又東南丹陽水自西南來東北流經郭家村南又
東北合南來一水又東會諸水于挑渠村之北入黃
河水口東岸
即師家灘 又南東岸有清水河自東北來注之清

河源出吉州東境高天山西南流北合一水折南
流有小水自東南來會折西流經州城南又西其北
合一小水又西南流至師家灘南入
黃河其西岸即盤古山北池山也 又東南流東岸

鄉寧縣西南境有羅洛水自東北來注之

羅洛水出
鄉寧縣東

北山西南流合東來二水又西南經縣城東南又西
經林山北盤古川南西南至船篙鎮北西入黃河篙

又東南西岸有小水自西北來注之

水出北麓南流經中山西

山之西麓折東南至東池山南入黃河

東岸有小水自東北來注之

出水

鄉寧西南船蒿鎮東山西南流經青石峽西又南入黃河

南為西岸韓城縣東北

境東岸河津縣西北境之龍門山

西五度九分極三十五度七分韓城

北五十里

兩山對峙河貫其中南流其下曰禹門渡稍折

西南流至東岸葫蘆灘西南有汾水東北自河津縣

城南西南流注之曰汾口

見汾水後

西岸即韓城東之周

原堡也又西南經縣南境有盤水河自北來注之

水河

出韓城西北硃砂嶺南流有柳溝水自西北麻線嶺
東南流經柳溝城西而東南來會又有白馬潭水自
西南麻林山東流折而東北來會又東南有西池山
水及南池野狐川俱自北來會又東南經縣西而南
至芝川鎮入黃河又有一小對岸即榮河縣城也汾水自西來亦于鎮南入黃河

古于縣城北入河明時北徙於河津西南境而故道遂涸又西南經西岸郃陽縣

東境有小水二西北自梁山東南流注之一出梁山南麓東南

流四十里入河一出其西麓東南流八十餘里入河此水河口之南有山東臨大河對岸即臨

晉縣西境也又南西岸有洛水西北自郃陽城西來

南注之洛水亦曰金河出縣西北壺梯山東南流隨山東麓經縣城西南又東南數十里入黃河

又西南經朝邑縣新市鎮東其東岸蒲州城也又西

南有涑水自東北來注之

涑水即絳水也源出絳縣北山西南流經城北又西

北會一水至上東鎮北有溫水自東南來會又西至下東鎮又北合一水又西南流經聞喜縣城南有沙

涑水自南來會又西有野狐泉合諸水自城西來南注之又西南流經安邑縣解州北猗氏臨晉南曰涑

水河有夏縣水東南合諸水西南流經安邑鹽池解州之北至虞鄉鎮北與涑水會為五姓湖又西南經蒲

州南境西又南西岸有洛河西北自同州府至朝邑

入黃河

洛河見後

又南至華陰縣東北有渭水合涇水

諸河自西南來東注之曰渭口在西岳太華山之北

五十餘里

渭口西六度四分極三十四度七分自歸化城西河折而南行至此計二十五百餘

里渭水及涇水見陵

大河至此始折而東流南岸自華陰東至

潼關入河南閩鄉縣界北岸即山西蒲州南境中條

山麓也

中條即雷首山蒲州當大河西西南及南三面故曰河曲自此以東山西為北岸河南為

南岸以河為界

東流經潼關北一入河南閩鄉縣西界有小

水三皆自南來注之

曰玉溪河出關東南秦山曰十二河又在其東曰盤豆河二水

合流又在其東昔北流入黃河

稍東其北岸有小水二合而南注之

曰鳩水北出歷山南流會自東來之汭水于永樂營西入河

又東南岸有小水二

合而北注之

曰湖水東北流合自東南來之小河水北流經閼鄉城西境北入河小河南出

秦山河稍東北流經北岸芮城縣南二十餘里南岸閼鄉縣

城北七里又東北有稠桑河自南來注之又東經靈寶

縣西有弘農河自西南來合斷密河北流經城西北

注之

弘農河西出陝西關東流經閼鄉南境秦山之南折東北流二百里至石子口有斷密河

東南自乾山西麓來會又北流于城西入河其北岸即芮城縣東南之陌底渡也又東經縣

城北十里有好陽河自南來經城東北注之河出南山境峴山又

東北至陝州西有乾頭河自南來青龍河自東南來

注之有兩水口

乾頭河即古索水亦曰永定澗出乾山北流經峴山東又北流入河青龍

河出州東南明山北流折而西東經州城北北岸平

又折西北流經城西北入河

陸縣城南

陝州與平陸二城隔河相望

有水自北合二澗南經城

東來注之

二水出北山一東南流一西南流合而東南經縣城東南入河

又東為大

陽關之茅津口

在茅津鎮東南

又東出三門過底柱山

山在河中

流北岸平陸南岸陝州山有三門中曰神門南曰鬼門北曰人門惟人門脩廣稍可行舟鬼門最險西五

度二分極三十四度八分

又東北經澠池縣北境白石山北北岸

為垣曲縣城有清水及沅水俱自北來夾城西東而

南注之

清水亦曰毫清河出絳縣南山南流合西北來二水經王第鎮西又南經縣城西南入河

沈水東北出王屋山之西麓西南流有歷山水西合諸馮山水自西北來會西南流經縣城東南入河

又東數十里北岸亦入河南界

自此而東全經河南省地南岸為河南府

地北岸為懷慶府地

東經新安縣北

北岸為濟源縣西南境山

河南府治洛

陽縣北

河岸山自沁池西連陝州諸山東至府西北為穀城山為北印山至東北境而北岸濟源

諸山北自太行西自王屋連岡臨河百餘里

又東南流經孟津縣北北岸

即孟縣西境也

孟津縣西有破石津委粟津高渚馬渚陶渚皆渡河處陶渚在縣北五里

即古孟津亦曰富平津也

至孟縣城南折而東北經南岸鞏縣西

北北岸有湨河自縣西北東南流注之

湨河源曰永利河出濟源

縣西北山三源東南流合經縣城而東有一水自西北來會即濟水南一渠也又東南流至孟縣北又東

南入又東北有濟水西北自濟源縣東支分經栢香

鎮東南流注之

見後

又東經溫縣城南其南岸鞏縣北

有舊洛口又東至汜水縣西北界有洛水合伊澗瀦

諸水西南自河南府東經孟津偃師鞏縣之南而東

北流注之

見洛水後

又東經汜水縣北有汜水自西南來注

之

汜水出縣西南境大戲山東北流經縣城西又東北至滿家溝入黃河其東曰卬山其西卽古虎牢

關南岸之山至汜口東而盡北岸溫縣東之司馬臺也又東北流

經武陟縣南境有猪龍河即濟水支津西北自濟源

東經河內之南溫縣之北而東南流注之見後又東南

流有沁水西北自澤州至懷慶府合大丹河東南經

武陟北而東南注之沁水見後南岸即滎陽縣北境及河

陰縣北境也大河自武陟河陰以東兩岸並無山阜

亦無小水流入者又東經滎澤縣北又東南經原武

縣南古河道經原武北而東北至直沽入渤海見後鄭州北又東南經陽武

縣南中牟縣北又東流經延津縣南開封府治祥符

縣北

西北有鹽池黑齒柳園三口東北北岸上有陳橋鎮又北則封邱也

封邱縣南陳

留縣北又東南流經蘭陽縣北儀封縣北東北有黃陵岡考

城縣北又東入山東界經漕縣南其西南黃陵岡與儀封界舊決口也

南岸亦曹縣境又南即商邱境又東經單縣南南岸亦單縣地又南即虞城縣地河于

河南省自潼關東至虞城共七度又東南流入江南界經碭山縣北

豐縣南沛縣南蕭縣北縣西北濱河有天山岡阜相接為太山東至徐州府西

又東南經徐州府城府治在雲龍山大河自陽武縣東南至蕭縣皆唐宋汴河故道

自蕭縣東南經府城北遂奪古泗水道東逕百步洪
呂梁洪而入邳州界北岸東岸驛臨河左右有小山

相連又東南經邳州南境河北岸西自魏家集東南至
舊邳州尚有小山舊邳州之

南岸亦有岡阜自西南來大者曰象山 睢寧縣北境又東南至十字河

口北與落馬湖運
河近祇數里東至宿遷縣城西南遂折而南而

東南流至白洋鎮東古城鎮西又折而東而東南經

桃源縣城北又東南至清河縣城南即古清口亦曰

泗口淮瀆洪澤湖水自西南來會清口東二度六分
極三十三度六分

也自此而東入海皆淮水道
徑二百六十里淮水見後既會淮水折東北流經

淮安府治山陽縣西北之清江浦北又東北經阜寧

縣北境至安東縣城南又東北流過北沙鎮北過雲

梯關旋折入於海

海口東三度五分極三十四度自入碭山界至此東南流經七百里

又東北二百六十里

附考禹貢舊河道自今滎澤縣北

北岸獲嘉縣

東逕原武

縣北陽武延津胙城三縣北

北岸新鄉汲縣

又東北至濬縣

西南古曰宿胥口大伾山在其口東北

南岸滑縣即古白馬津口

大河自今濬縣折而北行逕內黃湯陰安陽臨漳魏

縣成安肥鄉曲周平鄉廣宗至鉅鹿古大陸澤在焉
自鉅鹿又北逕南宮新河冀州東鹿深州衡水武邑
武強阜城獻縣交河青縣靜海大城寶坻至天津直
沽口入渤海

附錄諸水

河源以北重山回互即青海地多川澤在湟水之西
浩疊水之南其北甘肅其西北沙州也川澤皆不入
黃河以地勢相連附錄於後

青海在西寧府邊西五百餘里

南去河源關百關十里
東去湟源關百關十里

古名西海亦曰卑木羗海即鮮水也今為厄魯特等
二十三旗地番名呼呼諾爾周迴七百五十餘里中
有二山一曰奎遜拖羅海一曰察漢峰東西對峙水
色青綠中流高起冬夏不枯不溢為諸水之滙其可
名者有哈爾吉河自東北山來八十餘里有伊克烏
蘭和碩河南流五十餘里有和爾河東南自納喇薩
喇嶺西北流百餘里俱注之最大者自西來之布哈

河

布哈河即古大非川源出西海西北三百餘里阿穆

尼額庫山南流名喀喇西納河有英格池

周二百
數十里

自西北來會又東南流至天青察漢峯前有善池水

自東來會又東流有羅子河西爾哈河自北來會又

東有濟拉瑪爾台河自北來會又東流注青海此河

受六大水岸濶流深為諸水之冠 西南之察達鴈

河會諸水東西分注為拖遜池阿勒克池次之

青海東北有巴顏池

周四十餘里

南有功額池

周五十餘里

細

納池

周四十餘里

奇爾多克池

周二十餘里

有音德爾圖池

周二

十餘里

其最大者西南三百五十餘里之拖孫池

周百九十

源在河東北

阿勒克池

周百六十餘里

東北之巴哈池近西

寧邊外西北百八十里

周百餘里

東南近洮州衛之湫池

即古天池大澤白水之源也

周百餘里

其最利者西南之鹽

池周百餘里產青鹽其水自西拉庫特兒山之莫和

爾河與布罕克池之察漢烏蘇河合滙為此池又東

南流出會數水名曰鹽河又東南伏于功額池邊地

蒙古食鹽皆取於此

鹽池在青海南百里

青海東即湟水古所謂湟中地北即大通河古所謂
浩疊水東南會湟水入黃河也自大通河以北諸山
之水隔於重嶺涼州永昌甘肅西至河西廳沙州衛
古武威張掖酒泉敦煌四郡地水或東北流或西北
流或西南流皆至沙漠中匯為一池而止考古者指
為豬野為弱水黑水難以盡合今據經流共見者編

次於後

安遠堡水出鎮羗營邊城北其南即莊浪河源南流入
黃河者也水北流循長城外經堡東又北經黑松驛
至古浪所東有小水東南來穿城注之又北至雙塔
堡折東北流經長城斷處八十里至土門堡東北出
長城閘門又東北百餘里折東流五十餘里沙磧匯
為一小池而止

此水行三百餘里

鎮番衛水源出涼州南境重山中兩源東北流而合經

張儀堡南又東北至長城下新平驛東循城而北經州東境之高溝堡東又北稍西經三岔堡東折東北流當城斷處蔡旗堡東又東北經重興黑山青松三堡南其東即大磧也又東北至鎮番衛東南又東北當西長城斷處又東北曲曲三百餘里匯為一大池

池周六十餘里

此水行六百餘里涼州即古姑臧池即休屠澤古猶野也

永昌衛水源出衛西南境重山中東北百餘里有小水自西來會東經新城堡北又東循北山麓經水磨關

北又東經衛城北又東北出長城闔門經西山麓寧遠堡西又東北曲曲流四百里於沙漠中滙為一池

池周三十餘里

此水行七
百餘里

山丹水即古弱水源出山丹衛西南窮石山

西十五度
四分極三

十八度
二分

東北流百餘里經馬營墩西又北流五十里

經永固城西又北二十里經洪水營東折西北流百二十里至甘州東南境有水東自長城外山西南流入城經山丹營及通遠堡南而西注之又西北經州

北境

州城北二十三里

又西北有張掖河自西南來會即古

羗谷水也

張掖河出州西南邊山東北流經祈連山又北合數小水東北經龍壽堡北又東北

經州治張掖縣西境又北與山丹水合俗曰黑河

又西北百里至平川堡南

撫夷堡北循長城下而北至高臺堡西北有一水西

南自紅崖堡從仁堡南山二源合而北來注之又循

長城下而西北經定安黑泉花牆深溝四堡之東又

北至鎮夷堡西北當城斷處出邊

西十六度六分極四十四度弱又

北三百里至衛公營東北地有肅州二水自西南東

北流經金塔寺營而北來會之 肅州二水一曰卯

來河源出肅州西南邊外青海西北境有三源東源

曰額吉內必拉

西十七度五分極
三十八度三分

出教什西山之南

西北流中源曰巴棟必喇出珠魯肯達山北麓二澗

四十八度左右極
三十八度二分

北流而合西源最大而遠曰陶賚

必喇曰哈圖巴爾呼必喇東北流而合

西十八度五分極
三十八度

十九度弱

流數百里始與二源水會東北流又東合一水

又東北經重山入肅州南邊經卯來堡曰卯來河又

東北經州城南境又東北有河西南自嘉峪關外東北流經州西北境來注之又東北至古城堡南臨水堡北當西長城斷處出邊東北流經金塔寺營西北又東北折正北流土人總呼陶賚必喇經衛魯西火燒屯東又北折東北流至衛公營北又東北會山丹水 二流既合又東北經花牆鎮驛北土人曰額金內必喇又東北至毛毋西折西北流經雙城西又折東北流經平所驛沙馬營西又西北折東北而北流

經什庄西又西北有崑都倫水自東北來注之又北

為二巨澤西北曰索廓克鄂模池周九里其東北曰索

博鄂模池周六十餘里即古居延海也西十七度左右極四十二度五分計自

沿來發源至此北行二千五百五十里自窮石發源至此亦行二千餘里嘉峪關外赤金

衛有二水俱出南山中數源合而西北流一經衛東

一經衛西北靖逆廳之東俱折東北流滙為一池曰

阿拉克池自源至池各行三百里各

布隆吉爾河疑古黑水自靖逆廳西南境平地兩源合

而北流七十里有小水二自東來會折而西流有小
水八俱南自柳溝衛北流注之又西數十里至雙塔
南有小水南自真拖賚地北注之又西三百餘里經
安西府北北又西百里至古沙州北境有西喇噶金
河自南經州東而北來注之

西喇噶金河源出安西廳南邊界大山曰烏

蘭布拉克西北流折而北百七十里折而西百二十
餘里有察罕烏蘇水自西南來會又北流八十里經
沙州東又北五十里
與布隆兀勒河會又西北流曲曲而西三百里瀦

為巨澤曰哈勒池周六十餘里

池東南多大山西有蘇魯圖山池北地近

西曰巴罕教魯蘇台東曰伊克教魯蘇台又東曰阿
倫哈拉烏蘇源西十八度九分池西二十二度

按布隆几勒即漢時南藉端水

上源曰昌馬河至柳溝衛會南境北來之

十道溝曰蘇賚河又西會庫隆河

西喇噶金亦曰黨河即漢時氏置

水也

自哈勒池而西南有色爾騰海

色爾騰海在哈勒池西南三百餘里其水南出雪山之

陰西北流瀦為澤

自此而西即古流沙西北沙中

有蒲昌海

見後

水道提綱卷五

欽定四庫全書

水道提綱卷六

原任禮部侍郎齊召南撰

入河巨川

洮河源出洮州衛西南邊外之西傾山東麓

在衛西南三百五十

里當黃河自東折向北之東岍山綿亘千餘里為諸山冠墊江水出於南麓南入江又諸川小水出西北麓西入河番名羅察普喇山即古西傾一名西疆山又名嶺臺山洮源處當山之脊曰托禮嶺其上平坦即古羊撒嶺其北曰多克的山東北曰綽農蕪爾瑪拉峰甚高大泉湧地十餘匯為一

道

即栢木溝

俗曰巴拉巴河東南流折而東其南北受小

水十餘至洮州衛西南入邊界舊洮州南有水西南

自邊外來會東流經衛南稍東衛城左右二水合而

南注之又東經岷州衛西之野狐橋北有西灣水自

北來注之又東經衛城北有疊藏河西南自邊外東

北入邊合諸水繞衛城東而北注之

疊藏河自邊外廢疊州南山西

北流百數十里入邊經白石山南馬釋倉北有一水

自南來會又東北有高麻溝水自南來會又東北有
分水嶺水自南來會又東北
經衛城東又東北入洮河
又北流折而西北又東

北流至臨洮府南有小水二自西南合而來一自東

南來俱會

東南水即牛心山水西北流經十八盤山西麓又西北入洮河

又北經府

城西而北有東結河南合烏鼠分水嶺之水自東南

來會

東結河東南出七聖山西流有烏鼠山東北分水嶺三源西北流合而北來會又西北流至府

城東折西流經城北而西入洮河此分水嶺其東麓水入渭水

又北有三岔河西南

自邊外入邊合而東北來會始折西北流經沙泥驛

中堡南又西北有小水自東南來注之又西北流折

而東北至蘭州西境北入黃河曰洮口

源西十四度六分極三十

四度七分八邊西十三度二分極三十四度四分
洪口西十三度一分極三十六度三分舊言行八百
里餘

湟水即洛都水今番名博羅克克河源出西寧府西北

邊外當青海之東曰噶爾藏嶺

元人所謂祁連山即明志所謂熱水山也

三泉一名伊克烏拉古兒台一名圖爾根烏拉古兒

台一名察哈烏拉古爾台南流二十里匯為一水其

東有布虎圖嶺二泉亦南流曰崑都崙河會茂海圖

河水來會又東南流至董郭兒廟南有圖爾根察漢

河自西南來會水勢始盛折東流入西寧邊鎮海營

曰西寧河至府城西有北川河自北來有南川河自

南經城西而北來並注水如十字經城北而東

北川河即

古破羌水源出邊外阿勒坦山南流曰阿爾坦河有布呼克河自西北合二小水來會又南流入西寧北川營邊又南入西寧河南川河即古六谷水源出西南邊外西喇苦特山東北流曰西喇庫特河入南川邊曰南川河又東北經府城西而北與西來之西寧河會又東南有沙塘水自北

來注之經碾伯老鴉二堡南折東北流經冰溝驛南又折東南流至西大通堡之東南山中與西北來之

大通河會又東南至蘭州西境入黃河 大通河較

湟水尤長源出青海之西北境阿木你厄庫山南有

池水東南流曰烏蘭穆倫河

西十八度一分極三十八度徑在肅州之西南

五百里其山北水俱北入湟來河西水會布喀河惟此水東向

東百五十里有哈爾

琿河自北來注之又東北曲曲流南受一水又東北

有滿楚克河自西北來會東經甘州府南邊外番大

山

凡山南水俱流入青海

東南流八百里北受小水六南受小

水五至西大通堡入邊經堡西又東南會湟水又東

南至苦水堡西南南入黃河即古浩疊水也

西十三度一分極三

十六度三分

汾水源出靜樂縣北管涔山

山最高大蜿蜒數百里為山西諸山之祖其東北水

皆北入桑乾其東水皆東入滹沱其西水皆入黃河而汾水其南水也西四度三分極三十九度

南

流經寧化所西又東南流其左源二澗出管涔之東

山者合而西南流來會

管涔自神池堡而南連峰不斷西為岢嵐州古茅山荷葉

山相接此則靜樂東北境山在頭馬營之北其東北行為雁門廣武諸山出城東北為渾源之北岳其東南為萬華雲中巾字諸山

曲折而南為霍州之霍山

南流經縣東北折而西南

流經城西北又西南有碾河自東北來合兩小水折

西北流來注之

碾河出東北山西南流百里有小水自東南來會折西北流又北合一水

折西流經縣城南又西入汾

又西南有羊兒河自西北合二澗來

注之又南稍西有社干河自西北來注之折南流經

石峽山西有嵐河西北自嵐縣合一水東流注之

嵐河

出嵐縣北山曰葫蘆泉東南流經縣城東曰葫蘆河東南流有馬路河自西來合又東流入汾折東

南流有石樓山水自西來合天成泉水東流注之

石樓

山東水東流至樓煩鎮東南天成泉水自西南天成村東北流來會又東北經雁門村北又東北入汾

又東南至天門關西有小水自北來注之又東南至

向陽店南有直谷水合石橋河自東來注之

直谷水西北流

有東北一水自東黃鼠村來會又西流經西黃鼠村北有石橋河北自黃山寨西南來會又西南流至南

陽店南又東南有小水二各自東北來注之

一自陽入汾水

一西至府城北南經太原府治陽曲縣西稍南有韓村水

自西合二澗來東注之折西南流經大原縣城東又

南有晉水自西來會

晉水出縣西懸窰山一名龍山一名結紉山晉泉一泓在縣西

南晉祠鎮之又南有榆次北水自東北來注之

水出壽陽

西南山西南流至榆次縣北有小水北自陽曲縣東境山來會又西南百餘里入汾又西南流

經清源縣東南徐溝縣北有洞渦水東北來合諸水

來會

洞渦水出樂平縣西之陡泉嶺西北流有浮化山水自東北合壽水來注之壽水出壽陽縣西

境山兩洞合東南流至縣城西南有一水北自城西一水來自城南來會又西南流浮化山水東自平定

州西界來會又西南會洞渦水又西流有大涂水自東南南合小涂水西北流來會又西經榆次縣城東

南有小水自北來會又西南北合一水又西南有象谷河自東南馬陵關南黃花嶺北北流折而西北有

大塔山之金水河自東來會又西北至徐溝又西南縣東北會洞渦水西流經縣城北又西入汾

經交城縣南有祁縣水自東南來注之南分水嶺北

其南水入濁漳也西北流百餘里經縣城北又西北入汾又西南有文水自西北

來注之又西過文水縣南

文水出縣西北山東南流百里曰文峪河經卦山西

石峽山東有小水北自馬鞍山來會又東南百里入汾

又西經平遙縣西北境

汾州府治汾陽縣東境有馬跑泉水西北自白虎山

來注之又東南流折而西經孝義縣東有義河西自

狐岐山東流經縣城北而東注之又南稍西經介休

縣北有中都水東北自平遙合諸水來注之

中都水出東南

上殿山西北流有賀水自東來會又西北經平遙縣城北西南流有亭同水自東南來會于城西北又西

南至介休北有綿山
水南來會又西入汾

稍西有孝河西自孝義南境來

注之又南經冷泉關西有景家溝自西北來注之又

南至靈石縣西南有澗河西北自烏雞山來注之又

西南有狐岐山南水自西北南合康城鎮水東南流

注之又西南有韓侯嶺水自東來注之又西南經汾

西縣東折而東南流經霍州城西稍南有水東自碾

台山西經城南來注之其西即汾西之轟澗自縣城

來東南注之又南東受一小水又南有羅雲山水自

西北來會稍南有氾水東北自霍山西南麓西流注之
又南經趙城縣城西南有霍水東北自霍山南麓
西經洪洞縣城北而西注之又南經洪洞西南有澗
河東自岳陽北之滲水西南經洪洞城南而西注之
又西南經平陽府治臨汾縣西北有滴水河合諸水
自東南來注之滴水河出浮山縣南長堡北流至縣西北有黑水南合一水自東來會又
西北有楊村河自北來會又西北至喬李鎮
又受南北二水又西流經府城北又西入汾 汾水
于平陽西北分為二派一南流稍西經襄陵縣城東

一西南流支渠如織經城北及城西曲而東南復合
經趙城鎮西稍南又分為二南流十餘里復合又西
南經太平縣東南曲沃之北曰高縣鎮有小水自東

來注之又西南經絳州城南有澮河東自翼城曲沃

來注之

澮河源出翼城縣東南山西流經中衛鎮又西稍北至城南有小水三源自南山合而來

會又西北有城北來自東來會又西經曲沃縣南又西經候馬鎮南又西至絳州城南入汾又西

有馬首山清濁水自北來注之又西經稷山縣城南

又西經河津縣城南又西南流至葫蘆灘南榮河縣

北境入黃河在龍門之南五十里曰汾口

西五度九分極三十

五度五分

洛水即古漆沮源出慶陽府治安化縣北境三百餘里

之白於山

在邊城寧塞堡南靖邊營之西南

兩源一西南流一東南

流合而東南經金塘東分為二派有一水自東北來

會二派復合折而東流又東南經保安縣西南境曰

洛河有黑水河自西來注之又東南有周水河北自

縣城西南流注之

周水河出保安西北山在靖邊營之東南即白於山之東阜相去百

三十里東流折而東南至縣城西有一水自西來又會又東南即折而南百五十里與洛會洛河始大

東南經安塞縣西南境有摩雲嶺南水自北來注之

嶺在安塞西保安東南嶺東水入延水其西南水入洛河又東至甘泉縣西北有

一水自東北來注之

水出延安府南山南入洛

又東南經城西南

又東南有清水泉自東來注之又南經雕陰山東又

南經鄜州城東有採銅川自東北來注之又南折而

西南流經洛川縣西境有街子河自東北來注之又

南流至中部縣東北有華池河自西北合清水河來

會

華池河俗亦名洛水其源出合水縣東北之白於山曰延鳩川在慶陽府城東北百二十里東南流

有華池水自北來會華池三源曰豹子川南流曰平

戎川西南流合而南其西北有一水來會東南流曰

華池河延鳩川自西來會又東南流經郃庄驛西又

南折而東二百二十里至隨后嶺東北有清水河自

北來會清水河源在豹子川之東百餘里兩源合東

南流有一水東北自馬超河山西南流來會又南至

隆益驛北有一水自西來注之又東南流百餘里經

鄜州西南之長村驛東折而南流六十里與華池河

會又屈曲東南流入洛河俗又東南有葫蘆河東北

名三川水即豹子川等名也

自洛川來注之

河出洛川縣西南境南流折而西南入洛河

稍南有沮水

自西來會

沮水即禹貢沮水出中部縣西北境子午山東流經駱駝岡北翟道山南俗曰沮河

有于午河自西來會又東有慈烏河西南自石龍巖北來會東南流經縣城南又東稍北三十餘里入洛

河又南經宜君縣東北境至武莊鎮西折東南流經

白水縣東澄城縣西有一水自東北來注之

水出麻林山西麓南

流百餘里入洛河在澄城西北麻林之南即壺梯山又東即梁山也

又南甘泉自東北

來注之

甘泉在澄城北山西南流至縣西南有金沙谷胡倉泉二池自城南西流合而來會又西

南入洛河又有白水西北自大神山來注之

水出白水縣北境大神山

之東曰秦山東南流經縣城西南又東南八十里至甘泉口之南入洛河

又南有大浴河

自東北來注之

河出澄城東北山東南流八十里折而西又八十餘里入洛河又南

稍西經蒲城縣東境同州府之西北境有一水西北

自蒲城來注之

水出蒲城西北境東南流經縣城南漢底鎮北又東南六十里入洛河

折而東南流經府城南又東南至朝邑縣南太白池

北

自同州南有白馬池其東曰麻子池又東曰太白池皆在洛南峽外

於趙渡鎮南東

入黃河

洛水潛于朝邑西之朝坂南經趙渡鎮至華陰縣西北之葫蘆灘合渭水東至渭口入黃

河自明時改流不南入渭今洛口南去倉頭村南之渭口三十里此洛周時與渭涇為雍州三川即禹貢漆沮既從小雅瞻彼洛矣源處西八度五分極三十七度四分洛口西六度四分極三十四度七分

渭水源出渭源縣西鳥鼠山一名青雀山南北兩源北

源發北麓分水嶺東南流

分水嶺西北三水皆西北至臨洮府入洮若渭源則

東南水也經縣城北又東稍南南源水自城西南東北流

會焉

南源出烏鼠山南麓大樹下東流折而東北經縣城南又東北與北源會

又東稍南

有五竹山水曰清水河自南來注之又東南經鞏昌

府治隴西縣城北又東有赤亭水自東北來注之又東

南有小水自東北來注之

水出角山東南麓

又東南經寧遠

縣西北出桃花峽兩岸皆山又南有漳河西南自漳

縣來注之

漳河出西南境崆峒山東北流曰遮陽水有探寸河西自西傾山刺龍河西北自道

陽山東南流皆會焉東經縣城南折而東北流有水
自南來會良恭水出岷峨山之北北流有閭井水自
西南來會折東北流至新寺鎮北有馬淳河東南自
栢林山來會又北有筍溝水自西南來會又東北八
十餘里入渭水即古廣吳水也良恭閭井之
南即岷州衛岷峨山筍溝源即衛東大山也 又東南

有山丹河自南來注之

水出寧遠縣西南之青陽山北流折而東北入渭水折

而東經縣城北又東流稍折而東北有桃花山水自

西北來注之

水出鞏昌府東南通渭縣西南桃花山東之魯班山南流折而東南經樺林山

東麓又東南至寧遠東北境入渭水又北折而東有灰牛山水曰南峪

河自西南來注之

灰牛山在寧遠東南其東南為老君山又東為白崖山即古朱圍山

當伏羗縣西南

又東經伏羗縣城北有華川水北自通渭縣

來注之

水西源出通渭縣北百餘里安定堡之西北山南流而合至縣城之東又西南流有十八

盤山水西自高山東南流經城西而南來會又南曲折百二十餘里入渭水

又東北流折

而東南經秦安縣西南境秦州北境有羅玉河北自

靜寧州莊浪縣合諸水南流注之

羅玉河上源北曰苦水河東曰甜水河苦水

河出固原州西境消河堡東北大山其東水入固原清水河北至鳴沙堡入黃河者也其南水南經堡東

又西南折而東有一水自東北來會又西南流七十里有一水自西北來會又南有張儀堡水自東合一水來會又南曰苦水河又西南經靜寧州城西北又南有甜水河自東來會于城之西南甜水河出州東

隆德縣東連山二源自東北來一源自東南來夾城
南北至城西北而合又西流折而西南至神林堡東
折而西流又西折而南有水自來來會又西南經州
城南又西南會苦水河又南有一水西北自青家驛
東南流經高家堡西而東南來會折東南流經莊浪
縣西南境有一水東北自縣城來一水西北自安定
堡東山來並會又東南流有隴山水自東北來會又
折西南流有一水東自華亭南山三鄉闖來會又西南
有陽兀川西北自永寧堡來會又西南至秦安縣城
西北又南經神仙嶺東又南入渭水此水較諸水稍大
又東南經秦州東境有秦州河合諸水自西來注之
藉水出州西南境嶠冢山東北流有溫泉水即段谷
水自西來又一水自西北來會東流經州城南又東
流南北合受一小
水又東入渭水

又折東流有牛頭河自東北來注

之牛頭河出清水縣東北天井山東南阜西南流有湯峪川合濛河自東南來會又西流有集翅河自北來會經縣城北又西南有一水自北山來會又西南至牛頭山西折而南又折而東南入渭水

經

清水縣南境又東有丁華嶺水自北來注之又東折

而南有黃交峪水自西南來注之又東流經隴州南

境有一水自西北來注之又東稍南有長蛟川自北

來注之又東經龍盤山麓至寶雞縣西有塔河自西

南來注之又東經縣城南有金陵河西北自吳山來

注之

金陵河出隴州南境吳山南流合二小水東南流依山西麓至秦嶺重山之南折而南經寶雞

縣東又南入渭水 吳山即西鎮吳岳禹貢
曰岍山者也陳倉大散關俱在寶雞西南 其南即

大散關路也又東經鳳翔府南境有汧陽河自西北

來注之

汧陽河即古汧水 sources 出隴州西北之西鎮吳岳東南流有濁水川西南自竹頭村咸宜關

來會又東南流經州城南有汭水出州西北景福山
東流經寺崖鎮南又東北來之魚龍川東南流會
東北來一水南經城東而南入汧水又南而東南
流西受白龍泉水北受石魚溝水又東南至汧陽縣
城西南北受暉河水又東南北受澗口河水又
東南有小水自東北來注之又東南入渭水 又東

南有代魚河自西南來注之又東經岐山縣南境有
石頭河自西南來注之又東經扶風縣西南境有清

水自南來注之又東過郿縣城北又東有洪河南自
太白山來經槐芽鎮西北注之又東有清湫河南自
秦嶺北流經橫渠鎮西北注之又東經武功縣南境
青花鎮東有漳渠自南來注之又東經盩厔縣城北

而東有黑水自西南來注之

黑水出秦嶺二源一出林關驛南山一出其西

南山北流合而東北北過三交驛北又東北過泥嶺西麓櫻桃驛東又東北至金井西有小水自西來會又東北經盩厔縣城東南又北入渭水其北即武功西受鳳翔岐山扶風

諸水北受麟遊永壽乾州諸水口也

鳳翔二水俱出府北大山一東

南流經府城西南東流折而東南與東源之東南流者會而東有岐水北出岐山南流經縣城西而南來會經城南又東南流有淙水北自鳳鳴山南流右合一水又東流左合北來之周原水而南來會又東經扶風縣城南曰淙河又東北流折而東經武功縣城南有石白水西北出麟遊縣西北山東南流經縣城南會城東自北來之澄水又東南百四十里至武功縣城東北與永壽縣西北之武亭河南流經乾州西南合西北來之漆水而南者會于武功城之東南又東南流入渭水水口之東即長寧鎮也 稍東有赤水南自終南山北流注之 終南綿亘數百里西自郿縣而東至西安皆其支阜 又東北經興平縣南境有一水自南來注隨地異名

之亦出終南山 有二水自西北來於馬村鎮東西分注之

一即興平縣水東流
一出東北山東北流
又東經鄠縣北境咸陽縣城東

南又東北有豐水自西來合諸水北流注之
豐水出鄠縣東

南牛首山北流至縣東北有滂水西南出五福山北
流經城西而東北來會又東北流有豹林谷水北流

經子午鎮西炭谷東昆明古池西而北又有瀉水與
石籠各水自東南來合而西北流曰滴水者俱會又

東北至咸陽
縣東入渭
又東北經西安府治長安縣北境
府城北三

十里咸寧縣北境高陵縣南境涇水自西北來會曰涇

口涇水見後稍東有灞澇二水自南來合北流注之
灞水上游

即藍水也出東南藍田縣藍關之西南山秦嶺其南
即丹水南入沔漢者藍水二源北流而合又西北經

縣城南又西北有水合三源自西南來會亦出秦嶺者也又西北流曰灞水經府境東而北有灃水西南自太乙山東南之西王峪嶺及秦嶺三源合而北流經錫谷西抱栢東乃東北流至府東北境來會既合灃水又東北流至高陵又東經臨潼縣北境折東北縣南境入渭曰灞口

流有淳化清峪二河自西北來合漆沮二水南流注

之

淳化河出淳化縣北山東南流經城東又東南會東北來之清峪河又東南經涇陽縣北境三原縣

城北又東南經高陵縣北境又東南至交口鎮北漆沮自東北來會沮水出耀州西北境之分水嶺東南流經建庄西又東南百八十里經州城西南又東南漆水自東北來會漆水出宜君縣南大神山西南流曰同官川至同官縣東北有一水自西北山來會南至城東南折而西南流至耀州城之東南沮水自西

來會既會折東南流至富平縣西北境有甲池水西北來會又東經縣城西南又南左受一小水又南經孝文陵西又南至高陵之交口鎮北與淳化河合入渭交口鎮之東北岍即景渡鎮也

又東有

一水自南來注之又東稍北經渭南縣城北有水自

南來經城西而北注之又東有一水南自龍耳山崇

寧鎮來注之又東經華州西北有符峒水南自少華

山來注之又東北經同州府南境又東北經華陰縣

北有水南自太華山北流經城西而北注之又東北

至倉頭村南入黃河即古渭汭地曰渭口

源西十二度三分極

三十五度二分入河西六
度四分極三十四度七分

涇水源出平涼府西北境筭頭山

在瓦亭驛西北高山其北麓水為清

水河由固原州北至鳴沙堡入河其西南即隆德縣東北諸水為羅玉河南至秦安縣入渭者也涇水出

其東南麓兩源並發東南流至瓦亭南折而東有小水四

俱自兩南美高山來注之又東至固安鎮北折東南

流至府城西北有橫水自西南來會

橫水出府西南遲宿鎮之西北

山西源合東北流經武山北大統山南又東北至府城西北與涇水會

又東經府城北

又東南有二水俱西北自北山來會

一曰關水一曰盧河經華

亭縣東北境崇信縣北境有潘雲澗合二水自北來注之又東南至涇州城西北有泂水合諸水西自華

亭崇信來北注之

泂水出華亭西隴山之東麓東南流有一水自西南來會東北流經

縣城南又東北有北水自西北來注之又東北有策底河西北自武山南麓來注之又東北經崇信縣城

北又東流折北入涇又東流稍北有鎮原縣水自西北來注之

水出縣西北大方山東南流經縣城西南又東南流有一水自北來會一水自東北來會又東南百八十

里入河折東南流至長武縣東北有盟口河西自崇信

涇州之南境來注之

盟口河出崇信縣西南山東北流經縣南境循山麓東北經涇

州南境又東北至瓦雲驛南
又東經長武縣北境東入涇
稍南有馬連河北自慶

陽府合環縣合水寧州真寧諸川來會水勢始盛

馬連

河源出慶陽府東北鐵角城之北山東山其東隔岡
即洛水也二源分流至城西而合西南流屈折百九
十里至懷安所北有一水北自山中南流經鐵邊城
西折西南流來注之又南至柔遠城之東南有黑水
河自西北來會又南有一水自東北來注之又南經
府城東而南有環河西北自環縣合諸水來會環河
出環縣東北興陰山西南流有山城水自西北來會
折東南流有一水自西來會又東南經木鉢鎮南有
各道川自西來會又東有一水自東北來會又東南
流折而南有佛堂溝自西來注之又南至阜城鎮南
有野狐溝自西來注之又東南至府城西南又東南
會馬連河既會東南流有柴家河自東北來注之又

東南有達河東北自合水縣城之東西南流注之又南百餘里至寧州北有珊瑚川自西北來有小延川大延川東北自襄樂鎮合西南流經寧州城北而西來並會又南經州城西又東南有五龍河自東北來注之又曲折而南至長武縣東北境有真寧縣水自東合數小水經縣城南而西受北來之馬造溝西流注之又西南與涇水會此又南經長武東南至停口堡水源多流巨與涇水埒

東有黑水河西南自靈臺縣來會

河出靈臺縣西南境天臺山其西即

隴州南即汧陽縣也水東北流經縣南又東北流有一水自南來會又東北經靜山南麓至堡南東入涇

又東南經邠州北又東南有溫涼河東北自三水縣

合汧水來會

溫涼河出真寧縣南境山兩水南流而合折東南流經三水縣西境又南有汧

水自三水縣東北石門山西南流經城南而西南流來會又南入涇其西岸有大谷鎮

水自西南來會

水出永壽北山東北流經涇州東南境入涇

涇水至此曰

九曲經永壽縣東北境淳化縣西境有姜源河自東北來注之又東南經醴泉縣東北境依九夢山東麓

至南屯鎮之北有水自西北來注之

水出乾州北山東南流至甘北

鎮南有五峯山水自北來會東南經醴泉北有入魚河自北來會又東有泥河西自縣城來會又東北入涇其東岸即石橋鎮及北屯鎮也南屯鎮南數十里即文王武王二陵咸陽北境又東南經

涇陽縣南又東南至高陵縣西南之上馬渡與渭水

會曰涇口

源西十度三分極三十五度八分
口西七度四分極三十四度五分

洛水即豫州川源出陝西商州雒南縣西冢領山有三

源

山在少華山之東南有水東南流俗曰皆谷河經南坪東其西南有藥子嶺北二水合東北流至坪

東南來會南坪之西北連岡相接俗曰龍耳山疑即禹貢導洛之熊耳東南流九十里經縣北又東南流有一水西南來會俗曰東川又東南合東南流經縣北有禹平河合二水北自蘆靈關來會

北又東南南北各受小水一至靈峪口之南東入河

南界百數十里經盧氏縣城南又曲曲東北經熊耳

山北

山為伊水源北皆岡阜洛水相去尚八十里不相涉也

二百七十里至永

寧縣城南又東北經宜陽縣城北又東北出重山至

河南府城洛陽縣西南境有澗水合穀水西北自澗

池新安來會又東經府城南而東有瀍水自北來會

又東經孟津縣南境至偃師縣城南有伊水自西南

來會

澗水出澗池縣北境之白石山南流經縣東稍南折而東流經義昌驛南又東穀水西北自關

山來注之俗總名曰穀水又東稍南經新安縣城南又東稍北至府西境有王祥河自西來會東南入洛

瀍水出府城西北境督亭山與穀城山相連東南流經府城東北又東南入洛伊水出盧氏縣東南

百六十里之東巒山即熊耳山支阜亦曰閭頓嶺與杏花山相連東北流經嵩縣城南又東北經伊陽縣

北境白元鎮東折而北流經宜陽縣東境又折東北
流至洛陽南境有小水自東南來注之又東經翟鎮
南又東北至偃
師縣城南入洛
洛水既會伊水又東北流經鞏縣西

北而東北至汜水縣之西北入河

源西六度七分極
三十四度洛口

西三度三分極三十
五度弱此新洛口也

濟瀆源出懷慶府濟源縣西北與山西垣曲陽城二縣

接界之王屋山頂曰天壇有太乙池渟泓不流即濟

源禹貢所謂沅水也

王屋山在垣曲縣之東北界陽
城縣之西南界其東南為盤亭

山又東為析城山源西四度
四分極三十五度三分強

東數十里出地東流經

濟源縣城北又東分為二派一經柏香鎮之南東南

流入河

南岸為鞏縣
西北境連山

一東流經鎮北又東曰豬龍河

經府城南境又東經溫縣北境又東南至武陟縣南

之澗溝村入河

南岸為汜水縣東北及河陰縣西北
境河陰之西南為滎澤東為滎陽自

西漢末不復
南溢為滎矣

沁水源出山西沁州沁源縣北之綿山車家嶺俗曰水

谷河東南流其東源出琴谷者自東北來會經綿上

鎮南又南經陽城村西南官軍鎮東有二小水自東北

來會

一香果山水
一馬圍溝水

西南流有五龍川合浩河自西北

來會

五龍川出土嶺西山東南流有浩河出仁霧山
東流經韓洪鎮北郭道鎮南與五龍川會東南

沁水入

又南經縣東而南有青龍河自東來會折西南

有西川河自西北來會南流經圍寨鎮西有大南川

自西北來會又南經屯留縣西境岳陽縣東境之高

壁村東有和川自西來會又南經蘓村東衛寨西有

邊寨鎮水自東北來注之又西南至端氏鎮南有邢

堡水自西北來注之其南即三峽偃月山也又東流

一小水自東北來注之又南經沁水縣東境有海河

合諸水自東北來會

海河出沁水縣西之烏嶺關東流北合一水東南流經縣城北

又東南流有固鎮水合一水自西南來會又東有碧峯山水自北來會俗曰大峪溝又東有友泉村水自

南來注之又東流有海子河玉溪河自東北合來注

東入沁水之折而東南經澤州西北境至陽城縣東有小水自

東來蘆水自西來並會又南有澤河自西來會

澤河出陽

城縣西南境析城山西北之岳神山東北流合一小水折東南流經復澤故城南又東流有一水西北自

西山來會又南流有桑村河自西來會又東入沁

折而東受東北來之長河

水又南流入河南界經懷慶府西北濟源縣北之太行山東南流經窰頭村南又東南至府西北有一水自西南來注之東經府城北而東有廣濟河支津自西南穿城而東北流來會其北受大丹河水水勢益

盛

大丹河出潞安府西南山南流至高平縣東北有浮雲河西北來會南經縣城東又南許河自西來

注之有耳白水東北自陵川縣東北之聖宮山西南流合蒲水來會又南流東受白羊河水又南經澤州東南境有白河黃沙河西北自州城合而東南會天井關北水東入丹河又折而東南入河南界經懷慶府北境之方山東又東南出山流分為二其東流者曰小丹河東北經修武獲嘉與衛河合者也其南流

曰大丹河至懷慶府
城之東北入沁水

又折而東經溫縣北境至武陟

縣城北折而東南流數十里入河曰沁口

在澗溝村
東二十餘

里南岸即河
陰縣北境也

水道提綱卷六